

12
26. jan.

GJALDSKRÁ

fyrir Rafveitu Húsavíkur.

I. RAFORKA

Rafveita Húsavíkur selur raforku á þann hátt og við því verði sem hér segir:

A. Lýsing.

Um kwst.mæli á kr. 2.30 hverja kwst.

B. Almenn heimilisnotkun.

Um kwst.mæli á 55 aura hverja kwst., auk fastagjalds, er nemi kr. 5.00 á mánuði af hverju herbergi.

Í útreikningi á fjölda herbergja skal telja öll herbergi, sem ætluð eru sem íveruherbergi, og eldhús, en ekki ganga, baðherbergi eða geymslur. Herbergi, sem er minna en 5 m², telst sem hálf, en stærra en 25 m² sem tvö.

C. Vélanotkun.

1. Um einn kwst.mæli þannig:

Fyrir fyrstu	1000 kwst.	ársnotkun	kr. 1.50 á hverja kwst.
— næstu	2000	—	— 1.30 — —
— —	4000	—	— 1.10 — —
— —	8000	—	— 0.80 — —
— —	15000	—	— 0.70 — —
— —	30000	—	— 0.60 — —
— umfram	60000	—	— 0.40 — —

2. Til matvælaíðnaðar, ef uppsett rafvélaafl fastra véla er yfir 20 kw. og notandi skuldbindur sig til að greiða sem svarar minnst 1000 kwst. ársnotkun á hvert kw. vélanna, um kwst.mæli:

a. Á 40 aura hverja kwst., enda megi þá rjúfa strauminn í allt að 1½ klst. á dag á tímum mesta álags rafveitunnar um hádegið.

b. Á 60 aura hverja kwst. án skilyrðis um lokun fyrir straum.

Eftir þessum gjaldskrárlið er heimilt að selja raforku til súgþurrkunar.

Ef aðallega er um sumarnotkun að ræða, eða sérstaklega stendur á að öðru leyti, er heimilt að lækka lágmarksgjald samkv. ofangreindu niður í sem svarar allt að 400 kwst. ársnotkun á kw.

D. Hitun.

1. Til hitunar húsa, enda sé eingöngu eða nær eingöngu notuð rafmagnshitun, um sérmæli fyrir hitalögnina:

a. Á 13 aura hverja kwst., enda megi þá rjúfa strauminn í allt að 3 klst. á sólarhring á tímum mesta álags rafveitunnar um hádegið og síðdegis, en þó eigi lengur en 1½ klst. í senn.

b. Á 7 aura hverja kwst., enda megi þá rjúfa strauminn í allt að 14 klst. á sólarhring á tímanum frá kl. 8 til 23.

2. Til hitunar í iðnaði eða atvinnurekstri um kwst.mæli á 15 aura hverja kwst., enda sé straumurinn rofinn frá kl. 8 til 22.

Önnur skilyrði fyrir raforkusölu til hitunar:

- Að vélaafl, línur og spennar þoli álagið að dómi rafveitustjóra.
- Að notendur setji sjálfvirka rofa fyrir hitalagnirnar og kosti viðhald þeirra.
- Að hitalagnir, þar með talin öll tæki, séu gerð eftir fyrirmælum rafveitunnar, ofnar fasttengdir með sérstökum rofum og hitastillar notaðir.

12

26. jan.

E. Önnur raforkunotkun.

- Til vinnulagna við byggingar, meðan á byggingu stendur, um kwst.mæli á 1.50 hverja kwst.
- Til götu- og hafnarlýsingar á kr. 250.00 ári fyrir hvert ljósker, enda kosti rafveitan þá rekstur og viðhald ljósakerfisins.

Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A. Þegar sérstaklega stendur á, er rafveitustjóra þó heimilt að selja raforku eftir sérstökum samningi í hvert skipti, en eigi lengur en til eins árs í senn.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverja veitu, og er sú ákvörðun skuldbindandi fyrir notandann. Heimilt er að taka leigu af mælitækjum, er nemi allt að 20% af meðalverði hverrar tegundar.

III. HEIMTAUGARGJÖLD

Af hverri húsveitu, sem tengd er við rafveituna, skal greiða heimtaugargjald, er miðast við brunabótamat á húsum og mannvirkjum á þann hátt, sem hér segir:

Fyrir jarðlínuheimtaug:

Grunngjald kr. 800.00 og auk þess

0.8% af brunabótamati upp að 200 þús. kr.

og 0.2% af brunabótamati umfram 200 þús. kr.

Fyrir loftlínuheimtaug:

Greiðist 70% af heimtaugargjaldi fyrir jarðlínuheimtaug.

Ef brunabótamat á húsi er gamalt, getur rafveitustjóri samræmt það nýju mati og miðað heimtaugargjald við það. Láti húseigandi meta húsið á ný, skal þó miðað við það mat.

Húseigandi greiði áætlaðan helming heimtaugargjaldsins um leið og uppsetningu heimtaugar er lokið, en heimilt er að veita honum gjaldfrest á eftirstöðvunum í allt að 12 mánuði.

Sé lengd jarðlínuheimtaugar meiri en 30 m og loftlínuheimtaugar meiri en 40 m og eða gildleiki víra meira en $3 \times 70 \text{ mm}^2$, skal húseigandi greiða kostnað af því, sem fram yfir er.

Ef lagðar eru fleiri en ein heimtaug að húsi, skal greiða kostnað af síðari heimtaug eftir reikningi.

IV. OPNUNARGJALD

- Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduopnun, kr. 20.00.

- 12** 2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki opnuð aftur fyrr en notandinn hefur greitt 20 króna gjald á skrifstofu rafveitunnar.

26. jan.

V. HEIMILD TIL BREYTINGA

Bæjarstjórn er heimilt að hækka eða lækka gjöld samkvæmt þessari gjaldskrá um allt að 20%, án sérstakrar staðfestingar ráðuneytisins, enda auglýsi bæjarstjórn breytinguna í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá fyrir Rafveitu Húsavíkur, nr. 182 15. okt. 1951.

Atvinnumálaráðuneytið, 26. janúar 1953.

Hermann Jónasson.

Þorv. K. Þorsteinsson.

13

23. jan.

REGLUR

um breyting á reglum nr. 42/1951 um greiðslur til opinberra starfsmanna fyrir ferðakostnað og fleira í innanlandsferðum.

1. gr.

3. gr. orðist svo:

Greiðsla fyrir afnot einkabíla.

Þegar hagkvæmt þykir að semja við opinberan starfsmann um notkun einkabíls hans í sambandi við starf hans, skal gera þar um skriflegan samning við ráðuneyti það, er viðkomandi stofnun heyrir undir, enda samþykki fjármálaráðuneytið samningsgerðina. Samningurinn sé gerður til eins árs, og gengur þá úr gildi, ef hann er ekki endurnýjaður. Í samningnum skal ákveða heildarupphæð þóknunar fyrir afnot bílsins og jafnframt tiltaka áætlaða aksturslengd, ef unnt er. Ef ástæða er til að ákveða ekki heildarupphæð þóknunar fyrirfram, má í samningi gera ráð fyrir reikningsskilum eftir á samkvæmt raunverulegri aksturslengd. Tillögu að samningi skal forstöðumaður leggja fyrir viðkomandi ráðuneyti eigi síðar en 1. febrúar ár hvert, enda sé samningsgerð lokið, ef úr verður, eigi síðar en 1. marz. Þó getur fjármálaráðuneytið leyft undanþágu frá þessu ákvæði, ef sérstaklega stendur á.

2. gr.

Reglur þessar öðlast gildi þegar í stað.

Bráðabirgðaákvæði.

Á árinu 1953 skal frestur til að skila tillögu að samningi skv. 1. gr. vera til 15. febrúar.

Fjármálaráðuneytið, 23. janúar 1953.

Eysteinn Jónsson.

Sigtr. Klemenzson.